



Grad Sarajevo  
City of Sarajevo

Bosna i Hercegovina  
Federacija Bosne i Hercegovine  
Kanton Sarajevo  
Grad Sarajevo  
**GRADSKO VIJEĆE**

**ODLUKA**  
*o izmjenama i dopunama Odluke o osnivanju  
Javne ustanove "Muzej savremene umjetnosti ARS AEVI Sarajevo"*

*Sarajevo, april 2020. godine*

Adresa: Hamdije Kreševljakovića 3  
71000 Sarajevo, BiH  
Tel: +387 33 216 659  
Fax: +387 33 205 874  
Email: [gsgv@sarajevo.ba](mailto:gsgv@sarajevo.ba)  
Web: [gradskovijece.sarajevo.ba](http://gradskovijece.sarajevo.ba)



Na osnovu člana 26. stav 1. tačka 2. i člana 73. Statuta Grada Sarajeva („Službene novine Kantona Sarajevo“, broj 34/08 – prečišćeni tekst), Odluke o osnivanju Javne ustanove “Muzej savremene umjetnosti ARS AEFI Sarajevo” (“Službene novine Kantona Sarajevo”, broj: 49/17) i Ugovora o korištenju i upravljanju objektom “Olimpijski muzej u Sarajevu” zaključen dana 21.04.2020. godine između Olimpijskog komiteta BiH i JU “Muzej savremene umjetnosti ARS AEFI Sarajevo”, Gradsko vijeće Grada Sarajeva, na sjednici održanoj dana 29.04.2020. godine donijelo je:

## *O D L U K U*

### *o izmjenama i dopunama Odluke o osnivanju Javne ustanove “Muzej savremene umjetnosti ARS AEFI Sarajevo”*

#### **Član 1.**

U Odluci o osnivanju Javne ustanove “Muzej savremene umjetnosti ARS AEFI Sarajevo” (“Službene novine Kantona Sarajevo”, broj: 49/17) – u daljem tekstu “osnovna Odluka”, član 1. mijenja se i glasi:

„Ovom odlukom Grad Sarajevo u svojstvu osnivača (u daljem tekstu: Osnivač) osniva Javnu ustanovu „Gradski muzeji“ Sarajevo koja je gradska javna ustanova i u gradskoj svojini, osnovana za obavljanje javne službe i muzejske djelatnosti, a za čije osnivanje je utvrđeno postojanje javnog interesa.“

#### **Član 2.**

Član 2. stav 1. osnovne Odluke mijenja se i glasi:

„(1) Naziv Javne ustanove je „Gradski muzeji“ Sarajevo (u daljem tekstu: Muzej).“

#### **Član 3.**

Član 2. stav 2. osnovne Odluke mijenja se i glasi:

„(2) Sjedište Muzeja je u Sarajevu, Ulica Petrakijina broj 7.“

#### **Član 4.**

Član 5. stav 1. tačka 1. osnovne Odluke mijenja se i glasi:

„(1) Muzej obavlja muzejsku djelatnost u skladu sa zakonom i u odnosu na muzejski materijal kolekcije ARS AEFI, očuvanje i promociju sjećanja na XIV Zimske olimpijske igre održane u Sarajevu 1984. godine i EYOF 2019. vrši sljedeće:“

#### **Član 5.**

U članu 5. stav 2. iza alineje 5. osnovne Odluke dodaje se nova alineja koja glasi:

„-47.78-ostala trgovina na malo novom robom u specijaliziranim prodavaonicama, 56.10-djelatnost restorana i ostalih objekata za pripremu i usluživanje hrane, 56.30-djelatnost pripreme i usluživanja pića, 68.20-iznajmljivanje i upravljanje vlastitim nekretninama ili nekretninama uzetim u zakup (leasing).“

#### **Član 6.**

U članu 6. stav 2. iza alineje 4. osnovne Odluke dodaju se nove alineje koje glase:

- “- prodajom suvenira sa obilježjima ZOI`84 i EYOF 2019;
- naknadom po osnovu najma prostorija i opreme;
- ugostiteljske djelatnosti;”


**Član 7.**

U preostalom dijelu Odluka o osnivanju Javne ustanove "Muzej savremene umjetnosti ARS Aevi Sarajevo" ("Službene novine Kantona Sarajevo", broj: 49/17) ostaje nepromijenjena.

**Član 8.**

Ova Odluka stupa na snagu danom donošenja, a objavit će se u "Službenim novinama Kantona Sarajevo".

*PREDSJEDAVAJUĆI GRADSKOG VIJEĆA*



Broj: 01-GV-02-466/20  
Sarajevo, 29.04.2020. godine